



MEMORIA DA PRESIDENCIA

Neste mandato 2019-2023, concédeseme a honra de presentar ante vostedes, representantes da cidadanía que conforman o Pleno da Corporación, un novo Proxecto de Orzamentos, neste caso para o vindeiro exercicio 2022.

Para a elaboración deste Proxecto de Orzamentos, a Deputación de A Coruña non foi allea ao novo contexto actual, continuando coa adopción de medidas extraordinarias inmediatas de contención do impacto económico e social, de apoio, en definitiva, aos concellos da provincia, que son os que estiveron e están en primeira liña da crise que aínda estamos a padecer.

A ocasión require unha sucinta referencia as principais accións que se emprenderán e desenvolverán no período 2021-2023, con especial atención, como non pode ser doutro xeito, as xa iniciadas no presente ano 2021, que tantos retos continuamos a afrontar como sociedade. Tamén considero necesario esbozar unhas ideas xerais sobre as políticas que se pretenden levar a cabo coas cifras que recolle este orzamento, no que se condensa o noso plan económico para o vindeiro ano.

PRIMEIRO.- RESUMO DO ANTERIOR MANDATO 2015-2019

No espazo dedicado a facer unha *"memoria telegráfica"* das accións que ocuparon o anterior mandato da Corporación Provincial no período 2015-2019, considero necesario facer tres apartados:

1.- Unha primeira área da actividade provincial é a relativa a dar continuidade e profundar en liñas de accións que constituíron a actividade anterior da Deputación:

- Plans provinciais:

**Deputación
DA CORUÑA**

Denominación do Plan	Aplicación Orzamentaria	Exercicio 2016		Exercicio 2017		Exercicio 2018		Exercicio 2019	
		Créditos Iniciais	Créditos Definitivos	Créditos Iniciais	Créditos Definitivos	Créditos Iniciais	Créditos Definitivos	Créditos Iniciais	Créditos Definitivos
C.E.L. Plan de Obras e servizos (POS+) Achega anticipada no exercicio anterior	0430/459/46201	0,00	0,00	0,00	0,00	0,00	0,00	0,00	0,00
	0430/459/76201	0,00	0,00	0,00	20.000.000,00	0,00	26.000.000,00	0,00	16.800.000,00
C.E.L. Plan de Obras e servizos (POS+) Achegas do propio exercicio	0430/459/46201	12.100.000,00	12.100.000,00	17.600.000,00	17.600.000,00	20.000.000,00	20.000.000,00	21.000.000,00	21.000.000,00
	0430/459/76201	12.100.000,00	12.100.000,00	14.900.000,00	30.900.000,00	6.500.000,00	22.500.000,00	5.500.000,00	44.500.000,00
C.E.L. POS Préstamo Provincial	0430/943/821.20	21.485.000,00	21.485.000,00	21.500.000,00	21.500.000,00	23.500.000,00	23.500.000,00	18.200.000,00	18.200.000,00
Total POS+		45.685.000,00	45.685.000,00	54.000.000,00	90.000.000,00	50.000.000,00	92.000.000,00	44.700.000,00	100.500.000,00
Plan de Conservación de vías provinciais	0410/4531/61900	11.700.000,00	11.700.000,00	7.900.000,00	8.650.000,00	7.900.000,00	8.400.000,00	8.000.000,00	8.000.000,00
Plan de Investimentos de vías provinciais	0410/4531/60900	4.000.000,00	4.000.000,00	4.000.000,00	4.675.968,15	3.500.000,00	5.500.000,00	3.500.000,00	3.500.000,00
Plan de Travesías	0410/4533/60900	2.000.000,00	2.000.000,00	2.000.000,00	2.255.000,00	1.610.000,00	2.110.000,00	1.650.000,00	1.650.000,00
Plan Sendas peonís	0410/4535/60900	2.500.000,00	2.500.000,00	2.500.000,00	3.250.000,00	1.610.000,00	2.610.000,00	1.650.000,00	1.650.000,00
Total Plans de estradas		20.200.000,00	20.200.000,00	16.400.000,00	18.830.968,15	14.620.000,00	18.620.000,00	14.800.000,00	14.800.000,00
Plan de Emprego Local (PEL)	... /24100/ ...	3.000.000,00	7.000.000,00	6.000.000,00	6.339.916,11	7.812.814,00	9.248.920,23	9.824.739,41	12.539.860,66
TOTAL DE TODOS OS PLANS		68.885.000,00	72.885.000,00	76.400.000,00	115.170.884,26	72.432.814,00	119.868.920,23	69.324.739,41	127.839.860,66

- Asistencia aos concellos da provincia nos ámbitos xurídico, económico, tributario, informático e urbanístico.
- Fomento dos servizos sociais, da cultura, do deporte, da lingua, etc..., tanto directamente dende a Deputación como en colaboración cos concellos ou outras entidades de titularidade municipal así como con entidades privadas sen ánimo de lucro.
- Actividades en colaboración con outras entidades públicas como o Consorcio Provincial Contra Incendios e Salvamento da Coruña, a Fundación Axencia Enerxética Provincial (FAEPAC), o Consorcio Promoción Turística da Coruña, o Consorcio de Promoción da Música, etc...
- O sistema de información Europe-Direct.

2.- Un segundo apartado, que reflicte a posta en marcha de novos proxectos que se encontrarían pendentes de execución ou simplemente de finalización:

- Carril-bici metropolitano.



- Formación financiada polo Fondo Social Europeo (FSE) para a inserción laboral de colectivos con especiais dificultades.
- Implantación da Administración electrónica na Deputación e nos concellos.
- Programas de transparencia e de Protección de Datos.

3.- Un terceiro apartado que se refire a os novos proxectos, xestionados integramente neste mandato, que consideramos da máximo transcendencia:

- A definición, regulación e aplicación dun novo modelo de cooperación cos concellos da provincia, a través do Plan de Obras e Servizos POS 2016-2019.
- A elaboración e execución dun ambicioso Plan de Emprego Local 2016-2019.
- A aprobación dun Plan Director de Mobilidade 2018-2021.
- A definición e aprobación inicial da participación da Deputación en proxectos relacionados cos Camiños de Santiago.
- Os xeoparques.

SEGUNDO.- O ENTORNO ECONÓMICO E SOCIAL XERAL

A elaboración dos orzamentos de todas e cada unha das Administracións Públicas *“estivo indefectiblemente condicionada polos efectos da emerxencia de saúde pública provocada pola pandemia da COVID-19 e a conseguinte perturbación da economía, de alcance global”* (Preámbulo do Proxecto de Lei de Orzamentos Xerais do Estado para o ano 2021).

A planificación do traballo do conxunto das áreas da Deputación de A Coruña segue a adaptarse para dar resposta aos efectos que a crise sanitaria e socioeconómica derivada da Covid-19 aínda está a producir.

Deste xeito, o Organismo Provincial da Coruña, como administración pública de carácter territorial conformada pola agrupación dos 93 concellos da provincia, continúa coa súa liña de traballo poñendo a súa primeira e máis importante atención para que nese nivel municipal o conxunto da veciñanza se sinta ben atendida no tocante ás infraestruturas e prestacións de servizos básicos de competencia local. Mais temos que ter en conta o contexto



socioeconómico derivado da pandemia, e continuar a poñer o foco do noso esforzo especialmente no fomento da reactivación económica, o emprego, e a atención dos máis desfavorecidos pola pandemia. Conscientes de que esa é a nosa primeira responsabilidade, presentamos estes orzamentos, que veñen marcados por un entorno do que cómpre salientar cinco notas fundamentais:

1. Para afrontar a actual situación excepcional, segue a ser necesario adoptar dende a Institución Provincial medidas urxentes extraordinarias que poidan axudar a facer fronte ao impacto económico e social da COVID-19; a Deputación, dentro das súas limitadas posibilidades no ámbito da promoción do emprego, seguirá a esforzarse para adoptar medidas paliativas, consignándose inicialmente 12.632.250,00 € neste exercicio para dar continuidade ao Plan de Emprego Local (PEL).
2. A xestión económica pública neste período segue certamente limitada por un balance fiscal deficitario e polo crecemento da débeda pública, que xunto a situación derivada da pandemia, marca o máis alto nivel na nosa historia, no entorno do 122 % do Produto Interior Bruto no segundo trimestre do ano. As administración locais, no seu conxunto, apártanse desta tendencia e xa pecharon os últimos exercicios con superávit, o que pon de manifesto a responsabilidade coa que xestionan, en xeral, os gobernos locais.
3. Asemade, para a elaboración da nosa planificación, neste exercicio non temos aprobada a Lei de Orzamentos xerais do Estado para o ano 2022, en plena tramitación, documento esencial para orientar as decisións das restantes administracións públicas e para aclarar as posibles incertezas relevantes para todos os axentes económicos e sociais. As previsións dos ingresos e gastos máis relevantes deste Proxecto de Orzamentos veñen determinadas sobre a base das previsións estatais.
4. As entidades locais terán que afrontar a devolución parcial das liquidacións da participación nos tributos do Estado dos exercicios 2008 e 2009. En concreto, neste exercicio, esta Deputación vai a amortizar a contía de 2.122.169,64 €.



**Deputación
DA CORUÑA**

5. O Equipo de Goberno da Deputación Provincial da Coruña é consciente da importancia do orzamento como instrumento para a correcta xestión dos servizos provinciais e para a actuación dos concellos da Provincia nun período certamente dificultoso. Por iso, entende que é unha decisión estratéxica abordar a elaboración deste importante documento para que entre en vigor no mes de xaneiro.

Neste contexto, a xestión económica continúa a priorizar o mantemento e mellora dos servizos básicos municipais que teñen maior relevancia no benestar económico e social da cidadanía da provincia. A existencia de subministración de auga en todos os núcleos de poboación, a correcta xestión da rede de sumidoiros, o bo e eficiente funcionamento da iluminación e a axeitada pavimentación dos camiños e vías públicas, son claros indicadores cos que a nosa veciñanza aprecia e valora a xestión pública local, para estes efectos a Deputación aproba anualmente un Plan provincial de cooperación ás obras e servizos de competencia municipal (POS+), en cuxa elaboración deben participar os concellos da provincia, cunha dotación total neste orzamento de 21.500.000,00 €, aos que se engaden os 17.400.000,00 € incluídos no EMC 7/2021 como achega anticipada ao POS+ 2022.

É preciso resaltar que neste Plan provincial de cooperación ás obras e servizos de competencia municipal (POS+), intégrase novamente unha partida para paliar os efectos no ámbito económico e social da COVID-19 en materia de servizos sociais, que ven a reforzar a protección que o Organismo Provincial ven de proporcionar a través do POS+ Social iniciado no presente exercicio 2021.

TERCEIRO.- PROXECTO DE ORZAMENTO PARA O EXERCICIO 2022

Con tal afán, mantendo a continuidade na política de rigor e contención do gasto corrente, enuméranse de seguido algún dos fundamentos dos que se partiu para a cuantificación dos distintos capítulos de gastos e ingresos do orzamento:



- Non haberá operacións de débeda no exercicio 2022, reflectíndose no seguinte cadro a evolución da carga financeira desde o ano 2011:

CONCEPTO	ANO 2011	ANO 2012	ANO 2013	ANO 2014	ANOS 2015 a 2022
Cota Intereses	1.265.495,63	815.699,59	265.804,14	282.987,68	0,00
Débeda a 31/12	77.903.127,33	57.396.703,32	36.603.735,48	0,00	0,00

- No tocante á estimación de ingresos, o concepto de ingresos de máis importancia tanto en termos absolutos como relativos é o apartado xenérico de participación nos tributos do Estado que non experimenta incremento significativo respecto da previsión inicial do exercicio 2015. Nas previsión por este concepto é preciso deducir o resultado das liquidacións definitivas dos exercicios 2008 e 2009 cuxa evolución segue afectando á sustentabilidade da facenda provincial.
- Para a confección deste Proxecto orzamentario, tense partido dunha estimación moi realista e aplícanse as seguintes referencias de estabilización automática:
- Se os ingresos acreditados ata o 30 de setembro de 2022 pola participación nos tributos do Estado permitisen estimar fundadamente unha maior recadación durante o exercicio, incrementaranse as dotacións destinadas aos concellos no importe correspondente, sempre que os restantes conceptos de ingreso se vaian realizando con normalidade. Se ditos ingresos foran inferiores aos estimados terán que realizarse os axustes correspondentes nas partidas de gasto reducibles sen perturbación dos servizos esenciais.
 - Se a liquidación do Orzamento de 2021 presenta un saldo positivo do Remanente de Tesourería dispoñible para novos gastos, destinarase o seu importe a novos proxectos estratéxicos e a dotar orzamentariamente o novo Plan provincial POS + 2022 dirixido aos concellos da provincia para tender investimentos financeiramente sustentables vinculados aos gastos dos servizos municipais esenciais.



- As economías de adxudicación obtidas nos Plans Provinciais reinvestiranse no concello correspondente na súa totalidade.
- O 75 % do importe do Fondo de Continxencia que non se teña utilizado a 1 de outubro de 2022, destinarase a novos gastos de investimentos financeiramente sustentables, sempre que as condicións de estabilidade orzamentaria así o permitan.
- Os Plans Provinciais que se dotan inicialmente financiaranse integramente con recursos propios e poderán aprobarse tan axiña como se dispoña da documentación municipal necesaria.

Dende logo que segue a ser unha prioridade deste Equipo de Goberno realizar un gasto responsable e, como consecuencia disto, non se gastará máis do que nos permiten os nosos recursos dispoñibles, a pesar da suspensión temporal da aplicación das regras fiscais.

- En aplicación dos criterios indicados, no capítulo 1 de Gastos de Persoal recóllense as partidas necesarias para atender os compromisos e acordos adquiridos cos representantes do persoal funcionario e as que resulten das novas necesidades organizativas e operativas.

Nas previsións orzamentarias para o exercicio 2022 tomáronse en consideración as retribucións que resultan das previsións do Proxecto de Lei de Orzamentos xerais do Estado para 2022. No obstante, "*conxélanse*" as indemnizacións por asistencia a órganos colexiados.

Esta situación supón un extraordinario esforzo de contención do gasto de persoal e unha optimización dos recursos dispoñibles. É o compromiso diario e a profesional adicación do persoal ao servizo das entidades locais o que permite afrontar os retos de novas prestacións de servizos e de novas liñas de actividade e fomento.



O esforzo de exercicios anteriores concentrouse en tres obxectivos esenciais:

- Racionalizar a Relación de Postos de Traballo:
 - Valoración de todos os postos de traballo.
 - Creación de novos postos de traballo.

- Dotar e levar a cabo os procesos de promoción interna.

- Xestionar a consolidación e estabilización do emprego temporal.

Dotamos un fondo destinado a poder atender un posible incremento retributivo do persoal ao servizo da Deputación do 2 %, se o autoriza a futura Lei de orzamentos xerais do Estado.

- No tocante ao gasto destinado a financiar obras e servizos municipais, este Goberno parte dunha premisa fundamental para a súa actuación: a autonomía municipal. Por tal razón, mantéñense as distintas opcións existentes para que cada concello elixa dedicar os recursos asignados a gasto corrente, a gastos sociais (posibilidade incluída neste exercicio), a amortización anticipada de débeda municipal ou investimento.

- Como vén sendo habitual, neste Proxecto incorpóranse para o exercicio 2022 os créditos necesarios para o financiamento de servizos públicos esenciais, como é o caso da transferencia a prol do Consorcio Provincial Contraincendios e Salvamento da Coruña, entidade na que a Deputación está asociada á Xunta de Galicia, financiando cada administración o 50 % do seu gasto, achegando cada unha algo máis de 3.730.262,76 € para contribuír á loita contra os incendios e os seus efectos devastadores tan coñecidos pola sociedade galega e aos que resulta tan sensible calquera cidadán responsable. A este importe engádense 571.761,49 € para a futura comarcalización do parque de bombeiros de Santiago de Compostela para mellorar os recursos dispoñibles.



As principais modificacións do Orzamento do Consorcio Provincial Contraincendios e Salvamento da Provincia da Coruña para o exercicio 2022 continúan coa liña de consolidar o cambio na forma de xestión e as retribucións acordadas cos representantes sindicais e que supón a aplicación dunha táboa retributiva única e común para todos os parques de bombeiros, que garanta a igualdade de todos quen realicen iguais tarefas e a seguridade xurídica de todos. Débese, neste sendo, destacar a aprobación polo Pleno do Consorcio dun Plan de Acción 2021-2022, que incorpora un Plan de Contratación para acadar os ambiciosos obxectivos propostos no menor tempo posible.

- En canto a Fundación Axencia Enerxética Provincial da Coruña (FAEPAC), propoñemos darlle un impulso esencial, ante o reto actual e futuro da enerxía, elemento esencial do custe do servizos públicos municipais e da actividade económica e familiar. Actualmente desenvolve as seguintes actividades:
 - a) Realización de estudos de planificación e programación para establecer un plan de actuación enerxética a nivel provincial.
 - b) Favorecer a información sobre a enerxía ao público en xeral e formación sobre programas específicos de optimización e racionalización enerxéticos.
 - c) Promover as actividades de certificación e de diagnose enerxética nos edificios e nas industrias.
 - d) Fomentar a participación dos axentes locais en actuacións destinadas ao uso racional da enerxía.
 - e) Fomentar o aforro da enerxía mediante a explotación eficiente dos recursos e do uso de tecnoloxías limpas.
 - f) Fomentar a creación de axencias locais de enerxía.
 - g) Impulsar a implantación de instalacións de enerxía renovable a través da investigación e da transferencia de coñecementos e experiencias.
 - h) Asesoramento tecnolóxico e económico no deseño e realización de estudos e investimentos en instalacións e infraestruturas enerxéticas.

Por outra banda, durante o exercicio 2021, a FAEPAC, en colaboración coa Deputación, ven de poñer en marcha un proxecto destinado á atención a cidadanía, particularmente



no tocante ao aforro enerxético e á pobreza enerxética, para que as persoas nesa situación poidan acadar as axudas e bonos eléctricos dispoñibles. Dito proxecto tivo un balance de máis de 300 xestións. No ano 2022 a Deputación incrementará a súa participación nese proxecto.

En total, no ano 2022 a Deputación achegará á Fundación Axencia Enerxética Provincial da Coruña 208.120,80 euros.

- Xa no apartado concreto de subvencións á entidades sen ánimo de lucro, xuntamente cos programas tradicionais para actividades culturais, deportivas, sociais e de promoción económica dos distintos sectores produtivos, seguirá a ser prioritario dar resposta ás novas demandas das entidades neste contexto de crise, así como o fomento de accións tendentes a favorecer a igualdade efectiva da muller, a loita contra a violencia de xénero, e o fomento do noso maior valor cultural: a lingua galega.

No proxecto de orzamento inclúense as dotacións necesarias para poder tramitar ao longo do exercicio 2022 subvencións a favor de diferentes entidades públicas e privadas sen ánimo de lucro. Unha vez que se complete a documentación administrativa requirida e os informes preceptivos e se adopten os acordos necesarios polo Pleno da Corporación, cuxo detalle aparece reflectido nas Bases de Execución.

- Insístese no carácter prioritario da asistencia aos municipios da provincia en materias xurídicas, económicas, técnicas e urbanísticas e da modernización administrativa a través dos recursos inicialmente asignados a estes labores para o exercicio 2022: procederase a ampliar a plataforma informática de xestión electrónica, implantaranse novas funcionalidades da aplicación informático-contable e de xestión de nóminas dos concellos, proxecto do control horario. Continúa a desenvolverse a tramitación telemática de expedientes, colaborarase na incorporación dos concellos nas plataformas de contratación pública e ampliaranse as funcionalidades informáticas para a xestión tributaria municipal dos seus recursos non delegados.



Tentamos modernizar significativamente os recursos informáticos municipais, provinciais e das fundacións, asociacións e entidades, a mellora progresiva da informatización integral da xestión municipal, do Boletín Oficial da Provincia, da contratación electrónica e da oficina virtual tributaria.

É de salientar unha vez máis o gran apoio que durante o período de confinamento proporcionou a Deputación da Coruña aos concellos da provincia, mantendo en funcionamento servizos esenciais, como os de servizos sociais e teleasistencia, entre outros.

- No Orzamento Provincial de 2022 refórzase a promoción económica dos sectores primarios: agricultura, gandería, pesca, enerxías renovables, etc.
- Contémplanse programas de solidariedade destinados ás comunidades galegas no exterior, a organizacións non gobernamentais e a asociacións e entidades prestadoras de servizos sociais.
- Ao propio tempo, estímense prioritarias as dotacións dos servizos sociais municipais, cuxas previsións iniciais pretendemos incrementar, e coordinar a súa xestión coa Comunidade Autónoma e con outras entidades públicas e privadas.
- Tamén se incrementan os recursos destinados a outros programas que consideramos prioritarios e preferentes: promoción da igualdade da muller nun 31% e fomento da lingua galega nun 16%.
- Continuaremos a execución de programas xa iniciados que consideramos do máximo interese público, polo que se destinarán importantes recursos aos plans provinciais e aos convenios para investimentos municipais para mellorar as estruturas e servizos municipais que tan directamente afectan ao benestar cidadán. Nunha primeira aproximación dedicaranse a estes fins un importe total de 73.337.250,00 €:



DOTACIÓN ORZAMENTARIA ESTIMADA DOS PLANS PROVINCIAIS

DENOMINACIÓN DO PLAN	EXERCICIO 2022
C.E.L. PLAN DE OBRAS E SERVIZOS (POS) Achega anticipada 2021	17.400.000,00
C.E.L. PLAN DE OBRAS E SERVIZOS (POS+ 2022)	27.000.000,00
C.E.L. POS+ PRESTAMO PROVINCIAL 2022	1.500.000,00
PLAN DE CONSERVACION DE VIAS PROVINCIAIS	10.200.000,00
PLAN DE INVESTIMENTO EN VIAS PROVINCIAIS	1.695.000,00
PLAN DE TRAVESIAS	1.130.000,00
PLAN DE SENDAS PEONÍS	1.130.000,00
PLAN PROVINCIAL DE ESTRADAS A TRANSFERIR	650.000,00
PLAN DE EMPREGO LOCAL (PEL) PRESUPUESTO 2022	12.632.250,00
TOTAL PLANS	73.337.250,00

O POS+ 2022 continúa na liña iniciada co POS+ 2017, coa intención de acadar as seguintes finalidades: reducir o número de Plans destinados a colaborar cos concellos, racionalizar e obxectivar a colaboración desta deputación cos concellos da provincia, facer un Plan dinámico que poida ver incrementada a súa dotación orzamentaria e se adapte ao longo do ano para absorber incrementos da achega provincial se os houbera, dar resposta á situación e necesidades concretas de cada concello reforzando a súa autonomía e responsabilidade mediante a ampliación e a flexibilidade do seu obxecto que pasa a ser múltiple e contribuír de forma efectiva á redución do endebedamento dos concellos, permitir o cumprimento do período medio de pago aos provedores municipais, o financiamento dos servizos municipais esenciais e a realización de melloras substanciais nas infraestruturas municipais.

A máis abundamento, como xa se indicou, este Proxecto de Orzamentos 2022 contempla unha dotación de 7.000.000,00 €, destinada ao POS+ SOCIAL, continuando deste xeito co financiamento de gastos sociais extraordinarios do exercicio 2022:



a) Reforzo - ampliación de persoal técnico e/ou administrativo adscrito aos servizos sociais do concello, co fin de apoiar aos equipos actuais e/ou facilitar a tramitación urxente das prestacións obxecto deste plan e axilizar a atención social profesional necesaria en situacións de risco para persoas vulnerables.

b) Ampliar a dotación das partidas municipais destinadas a axudas de emerxencia ás persoas soas ou familias en risco de exclusión social: maiores, persoas con diversidade funcional, mulleres en risco de exclusión social ou vítimas de violencia de xénero, cando eles e as persoas ao seu cargo, carezan de medios económicos suficientes para asegurar a cobertura das necesidades básicas: vivenda, alimentación, electricidade, educación, gastos médicos ou farmacéuticos, transporte, e aqueles que consideren os servizos sociais municipais.

c) Ampliar o servizo de axuda a domicilio en todas as súas modalidades, e calquera outro de análoga natureza que se preste no domicilio da persoa, como rehabilitación, perruquería, podoloxía, comedor sobre rodas, etc.

O importe non pode ser destinado a cubrir a achega municipal no Plan de Financiamento dos servizos sociais municipais (FOPPSS).

Excepcionalmente o importe poderá destinarse a cubrir a parte da achega municipal ao servizo de axuda a domicilio na modalidade de dependencia, incluíndo aquela que corresponde a horas xa concedidas.

d) Reforzo dos servizos e axudas económicas para respiro familiar e medidas de conciliación a persoas que carezan de medios económicos suficientes para asegurar a cobertura destas necesidades, valoradas polos profesionais dos servizos sociais comunitarios.

e) Reforzo dos dispositivos e axudas económicas para a atención a persoas sen fogar que carezan de medios económicos suficientes para asegurar a cobertura destas necesidades, valoradas polos profesionais dos servizos sociais.

f) Outras medidas sociais de carácter extraordinario que os servizos sociais das entidades locais consideren imprescindibles e urxentes para atender ás persoas especialmente vulnerables, e sexan debidamente xustificadas.

g) Aluguer de equipamento técnico asistencial para cesión de uso ás persoas que necesiten este material asistencial para a súa vida diaria: camas, cadeiras de rodas,



grúas e calquera outro material ou equipamento valorado polos profesionais dos servizos sociais comunitarios, cando carezan de medios económicos suficientes para asegurar a cobertura destas necesidades.

h) Adquisición de equipamento técnico asistencial para cesión de uso ás persoas que necesiten este material asistencial para a súa vida diaria: camas, cadeiras de rodas, grúas, e calquera outro material ou equipamento valorado polos profesionais dos servizos sociais comunitarios, cando carezan de medios económicos suficientes para asegurar a cobertura destas necesidades. A adquisición de este equipamento inventariable terá a consideración de gastos de investimentos a efectos orzamentarios.

i) Gastos de investimento para o desenvolvemento dos programas de servizos sociais e do traballo dos equipos técnicos de servizos sociais municipais (equipos informáticos, ofimática etc). A adquisición de este equipamento inventariable terá a consideración de gastos de investimentos a efectos orzamentarios.

Polo que respecta ao Plan de Emprego Local (PEL) concíbese como un instrumento que complementa as medidas de cooperación e asistencia promovidas para fomentar o desenvolvemento territorial da provincia; este proxecto, que comezou a súa andaina no pasado mandato, constitúe o primeiro Plan de Emprego da historia desta institución, cun esforzo inversor sen precedentes, dirixido a desenvolver o "*gran potencial*" que ten o noso territorio, e a crear un novo escenario de oportunidades que as novas xeracións da nosa provincia poidan aproveitar.

Un dos principais obxectivos é orientar e activar todos e cada un dos recursos da Deputación cara a unha meta común: a xeración de actividade económica e emprego para que A Coruña siga sendo o motor económico de Galicia.

Nesta liña, concretamente no que se refire aos exercicios 2021 e 2022, os fondos destinados ao Plan de Emprego Local experimentan un incremento significativo ao respecto de exercicios anteriores:



ORZAMENTO 2021	INICIAL	DEFINITIVO
PEL-CONCELLOS REACTIVA	2.041.000,00 €	9.042.000,00 €
PEL-EMPRENDE	3.620.107,90 €	17.718.988,56 €
PEL-PEMES	2.500.000,00 €	5.239.331,63 €
FINANCIAMENTO EUROPEO	1.503.892,10 €	1.692.139,41 €
XESTIÓN	335.000,00 €	448.835,39 €
TOTAL	10.000.000,00 €	34.141.294,99 €

É preciso resaltar que a Deputación de A Coruña aprobou para a reactivación económica da nosa provincia:

1. O programa PEL-REACTIVA II, cun importe de 9.000.000,00 €, dirixido á hostalaría, aos hospedaxes e ás axencias de viaxes; a través do que se concederon un total de 2.463 axudas, e para o que se fixo un importante esforzo na simplificación da tramitación administrativa reducindo o tempo de tramitación das axudas, a través dunha aposta decidida pola dixitalización dos servizos, coa finalidade última de redundar no benestar dos cidadáns.
2. O programa PEL-CONCELLOS, destinado a concellos de menos de 20.000 habitantes, dirixido a subvencionar os custos de contratación de traballadores e traballadoras demandantes de emprego nos distintos concellos, que se contraten expresamente para a realización de traballos necesarios para a prestación de servizos municipais, acordes ás competencias definidas no artigo 25 da Lei de Bases de Réxime Local. Cuxa dotación total acadou os 6.000.000,00 €, coa finalidade de dar a posibilidade de reforzar os medios persoais necesarios para a prestación dos servizos municipais esenciais e para atender as necesidades postas de manifesto nesta pandemia.
3. O PEL AUTÓNOMOS, dirixido a apoiar o papel deste colectivo na creación de emprego, a dinamización económica dos concellos do rural e a fixación da poboación.



Continuando con esta folla de ruta, no Proxecto de Orzamentos para o ano 2022, o Plan de Emprego Local dótase inicialmente co importe de 12.632.250,00 €, isto é, un 12% máis, duplicando deste xeito as axudas a autónomos, e incorporando novas axudas, como a prevista para o sector primario destinada á transición ambiental dixital e de procesos, unha liña dirixida a sectores alineados cos eixos do Plan Nacional de Recuperación, Transformación e Resiliencia (construción, transporte, enerxía...).

ORZAMENTO 2022	INICIAL
PEL-CONCELLOS	3.000.000,00 €
PEL-EMPRENDE	4.407.250,00 €
PEL - PEMES	4.500.000,00 €
FINANCIAMENTO EUROPEO	425.000,00 €
XESTIÓN	300.000,00 €
TOTAL	12.632.250,00

- A Deputación continuará no vindeiro exercicio o desenvolvemento do Plan Director de Mobilidade Ciclista Provincial, continuando coa crecente importancia das estratexias de mobilidade sostible a nivel provincial, en liña coa súa consideración de política prioritaria na UE. Neste senso, a Deputación seguirá a impulsar na provincia proxectos de promoción de usos de transporte non motorizados, orientados á mellora do medio ambiente, da saúde, do patrimonio e da economía, como ocorre coas vías ciclables.

O devandito proxecto continuará a desenvolver os seguintes programas:

- Vías Verdes
- Camiño dos Faros
- Sendas ZEC

Con este proxecto preténdense distintos obxectivos relevantes:

- Unha alternativa de transporte limpo
- Unha infraestrutura de deporte
- Un atractivo turístico



- Unha ferramenta de desenvolvemento local que contribúa a xerar emprego e a asentar a poboación no territorio

- Como é por todos sabido o Proxecto de Lei de Orzamentos da Comunidade Autónoma de Galicia non inclúe ás Deputacións Provinciais entre os destinatarios do Fondo Galego de Cooperación Local; mentres as diferentes normas autonómicas séguenlles atribuíndo competencias sen cuantificación e sen dotación orzamentaria. Tamén hai que dicir que este mesmo Proxecto de Lei de Orzamentos da Comunidade Autónoma non adecúa as asignacións aos concellos ás competencias que a normativa autonómica lles atribúe e á situación económico-financeira destes. Sirva de exemplo o seguinte cadro no que se recollen os custos e rendementos anuais dos servizos educativos e de protección a menores, que sendo competencia exclusiva da Comunidade Autónoma son prestados pola Deputación da Coruña. O importe anual destinado a estes servizos minora, evidentemente, os fondos asignados aos concellos da provincia.

CENTROS	2021			2022		
	C. totais	Rendementos	Diferenza	C. iniciais	Rendementos	Diferenza
F.I. Emilio Romay (23112)	2.857.668,61	340.000,00	2.517.668,61	3.307.973,48	340.000,00	2.967.973,48
C.D.M. de Ferrol (23113)	1.309.455,56	60.000,00	1.249.455,56	1.357.542,27	60.000,00	1.297.542,27
S. X. Centro Rosalía Mera (93365)	896.640,00	15.500,00	881.140,00	873.200,00	10.000,00	863.200,00
C.R.D. Rosalía Mera (23111)	337.172,02	15.000,00	322.172,02	311.993,38	25.000,00	286.993,38
IES Rosalía Mera (3241)	1.668.727,02	106.925,61	1.561.801,41	1.794.981,00	106.925,61	1.688.055,44
IES Puga Ramón (3242)	2.958.697,91	490.096,50	2.468.601,41	3.076.318,69	490.096,50	2.586.222,19
Conservatorio (3261)	765.140,74	32.000,00	733.140,74	764.323,09	32.000,00	732.323,09
TOTAL CENTROS	10.793.501,86	1.059.522,11	9.733.979,75	11.486.331,6	1.064.022,11	10.422.309,85

- Non pode finalizarse este breve comentario sobre os gastos provinciais do exercicio 2022 sen manifestar que o crecemento dos gastos correntes (capítulo I e II) está xustificado polas seguintes consideracións:

a) Non todos os gastos correntes son negativos nin todos os investimentos son positivos. Aqueles gastos correntes que atenden as funcións sociais básicas como



**Deputación
DA CORUÑA**

educación, ensino, atención a dependentes, servizos sociais, sanidade, seguridade, igualdade, en fin, os directamente relacionados coa atención axeitada dos servizos sociais esenciais deben achegarse aos obxectivos de calidade e eficiencia social necesarios. Son, en definitiva, auténticas inversións nas persoas.

b) A adecuación das condicións de traballo, a estabilización do emprego temporal e a procura da máxima profesionalización dos servidores públicos son requirimentos ineludibles dun estado social.

- Para dar cumprimento ao disposto na normativa básica estatal únense ao Orzamento Provincial os dos entes adscritos: Consorcio Provincial Contra Incendios e Salvamento da Coruña e Fundación Axencia Enerxética Provincial da Coruña (FAEPAC).

Xa que logo, ben podo asegurar que o orzamento que se presenta ante vostedes pode ser caracterizado polas seguintes notas:

- Rigoroso no aspecto formal, con pleno respecto das normas xurídicas de aplicación.
- Responsable co interese xeral presente e futuro.
- Austero e realista.
- Cun marcado carácter social, comprometido co benestar e calidade de vida dos cidadáns.
- Socialmente sensible e orientado ao emprego.
- Dinámico e adaptable.

CUARTO.- BASES DE EXECUCIÓN DO ORZAMENTO PARA O EXERCICIO 2022

Pola súa banda, as Bases de execución do Orzamento manteñen unha estrutura similar ás do exercicio corrente e anteriores, téndose introducido algunhas modificacións para adaptalas ás novidades normativas e outras para una mellor xestión. En síntese, a través das mesmas regúlanse as seguintes materias:



- 1) Previsións das estimacións de ingresos e gastos que se adecuarán ás que resulten finalmente da aplicación da Lei de Orzamentos xerais do Estado para o exercicio 2022.
- 2) Normas para adaptar a xestión de subvencións dirixidas a entidades públicas e privadas ás circunstancias económicas e financeiras do exercicio 2022 coas determinacións da Ordenanza xeral de subvencións e transferencias, para mellorar a súa xestión e implementar a xestión electrónica.
- 3) Regúlase, así mesmo, o Fondo de Continxencia Provincial dotado con 3.780.000,00 € para atender necesidades imprevistas non discrecionais durante o exercicio, e cuxo 75% dispoñible no día 1 de outubro poderá destinarse a novos investimentos financeiramente sustentables nas condicións que permitan as normas de aplicación.

Finalmente sinalar que tamén se inclúen distintas adaptacións de orde técnico noutras bases para adecualas aos requirimentos legais da xestión ordinaria.

QUINTO.- PROPOSTA DE ACORDO

En virtude do todo o exposto anteriormente, de conformidade coas atribucións legais da Presidencia nesta materia, propónse ao Pleno da Corporación, previo ditame da Comisión informativa de Economía e Facenda e especial de Contas, que adopte o seguinte acordo:

1º.- Aprobar o ORZAMENTO XERAL DA DEPUTACIÓN PROVINCIAL DA CORUÑA para o exercicio 2022 por importe de 189.235.000,00 € e cuxo detalle é o seguinte:

**Deputación
DA CORUÑA****CLASIFICACIÓN ECONÓMICA:**

INGRESOS		GASTOS	
CAPÍTULOS	IMPORTE	CAPÍTULOS	IMPORTE
I.- IMPOSTOS DIRECTOS	21.197.022,80	I.- GASTOS DE PERSOAL	52.141.915,40
II.- IMPOSTOS INDIRECTOS	15.498.712,31	II.- GASTOS CORRENTES EN BENS E SERVIZOS	32.787.511,57
III.- TAXAS PREZOS PÚBLICOS E OUTROS INGRESOS	11.479.425,55	III.- GASTOS FINANCEIROS	761.000,00
IV.- TRANSFERENCIAS CORRENTES	140.657.821,34	IV.- TRANSFERENCIAS CORRENTES	65.352.195,05
V.- INGRESOS PATRIMONIAIS	13.600,00	V.- FONDO DE CONTINXENCIA E OUTROS IMPREVISTOS	3.780.000,00
TOTAL OPERACIÓNS CORRENTES	188.846.582,00	TOTAL OPERACIÓNS CORRENTES	154.822.622,02
VI.- ALLEAMENTO INVESTIMENTOS REAIS	38.418,00	VI.- INVESTIMENTOS REAIS	17.417.606,98
VII.- TRANSFERENCIAS DE CAPITAL	0,00	VII.- TRANSFERENCIAS DE CAPITAL	14.964.000,00
VIII.- ACTIVOS FINANCEIROS	350.000,00	VIII.- ACTIVOS FINANCEIROS	2.030.771,00
IX.- PASIVOS FINANCEIROS	0,00	IX.- PASIVOS FINANCEIROS	0,00
TOTAL OPERACIÓNS DE CAPITAL	388.418,00	TOTAL OPERACIÓNS DE CAPITAL	34.412.377,98
TOTAL ORZAMENTO	189.235.000,00	TOTAL ORZAMENTO	189.235.000,00

CLASIFICACIÓN FUNCIONAL:

ÁREA DE GASTO	Orzamento
1.- SERVIZOS PÚBLICOS BÁSICOS	3.330.671,98
2.- ACTUACIÓNS DE PROTECCIÓN E PROMOCIÓN SOCIAL	52.774.680,32
3.- PRODUCCIÓN DE BENS PÚBLICOS DE CARÁCTER PREFERENTE	28.063.245,82
4.- ACTUACIÓNS DE CARÁCTER ECONÓMICO	54.080.903,50
9.- ACTUACIÓNS DE CARÁCTER XERAL	50.985.498,38
0.- DÉBEDA PÚBLICA	0,00
TOTAL ORZAMENTO XERAL	189.235.000,00

2º.- Aprobar igualmente as Bases de execución para o seu desenvolvemento.

**Deputación
DA CORUÑA**

3º.- Incorporar ao expediente orzamentario o orzamento inicialmente formado polo CONSORCIO PROVINCIAL CONTRA INCENDIOS E SALVAMENTO DA CORUÑA para o exercicio 2022, para dar cumprimento ao establecido no artigo 122.4 da Lei 40/2015, do 1 de outubro, de réxime xurídico do Sector Público, que presenta o seguinte resumo por capítulo:

INGRESOS		GASTOS	
CAPÍTULOS	IMPORTE	CAPÍTULOS	IMPORTE
I.- IMPOSTOS DIRECTOS	0,00	I.- GASTOS DE PERSOAL	7.627.179,73
II.- IMPOSTOS INDIRECTOS	0,00	II.- GASTOS CORRENTES EN BENS E SERVIZOS	1.809.901,74
III.- TAXAS PREZOS PÚBLICOS E OUTROS INGRESOS	2.613.949,00	III.- GASTOS FINANCEIROS	10.000,00
IV.- TRANSFERENCIAS CORRENTES	8.032.287,02	IV.- TRANSFERENCIAS CORRENTES	1.083.756,59
V.- INGRESOS PATRIMONIAIS	0,00	V.- FONDO DE CONTINXENCIA E OUTROS IMPREVISTOS	60.397,96
TOTAL OPERACIÓNS CORRENTES	10.646.236,02	TOTAL OPERACIÓNS CORRENTES	10.591.236,02
VI.- ALLEAMENTO INVESTIMENTOS REAIS	0,00	VI.- INVESTIMENTOS REAIS	55.000,00
VII.- TRANSFERENCIAS DE CAPITAL		VII.- TRANSFERENCIAS DE CAPITAL	0,00
VIII.- ACTIVOS FINANCEIROS	0,00	VIII.- ACTIVOS FINANCEIROS	0,00
IX.- PASIVOS FINANCEIROS	0,00	IX.- PASIVOS FINANCEIROS	0,00
TOTAL OPERACIÓNS DE CAPITAL	0,00	TOTAL OPERACIÓNS DE CAPITAL	55.000,00
TOTAL ORZAMENTO	10.646.236,02	TOTAL ORZAMENTO	10.646.236,02

4º.- Incorporar ao expediente orzamentario o orzamento/plan de actuación inicialmente formado pola FUNDACIÓN AXENCIA ENERXÉTICA PROVINCIAL DA CORUÑA (FAEPAC) para o exercicio 2022, para dar cumprimento ao establecido no artigo 132 da Lei 40/2015, do 1 de outubro, de réxime xurídico do Sector Público, que presenta o seguinte resumo por capítulo:

**Deputación
DA CORUÑA**

INGRESOS		GASTOS	
CAPÍTULOS	IMPORTE	CAPÍTULOS	IMPORTE
I.- IMPOSTOS DIRECTOS	0,00	I.- GASTOS DE PERSOAL	170.476,67
II.- IMPOSTOS INDIRECTOS	0,00	II.- GASTOS CORRENTES EN BENS E SERVIZOS	82.860,27
III.- TAXAS PREZOS PÚBLICOS E OUTROS INGRESOS	13.549,48	III.- GASTOS FINANCEIROS	0,00
IV.- TRANSFERENCIAS CORRENTES	239.787,46	IV.- TRANSFERENCIAS CORRENTES	0,00
V.- INGRESOS PATRIMONIAIS	0,00	V.- FONDO DE CONTINXENCIA E OUTROS IMPREVISTOS	0,00
TOTAL OPERACIÓNS CORRENTES	253.336,94	TOTAL OPERACIÓNS CORRENTES	253.336,94
VI.- ALLEAMENTO INVESTIMENTOS REAIS	0,00	VI.- INVESTIMENTOS REAIS	0,00
VII.- TRANSFERENCIAS DE CAPITAL	0,00	VII.- TRANSFERENCIAS DE CAPITAL	0,00
VIII.- ACTIVOS FINANCEIROS	0,00	VIII.- ACTIVOS FINANCEIROS	0,00
IX.- PASIVOS FINANCEIROS	0,00	IX.- PASIVOS FINANCEIROS	0,00
TOTAL OPERACIÓNS DE CAPITAL	0,00	TOTAL OPERACIÓNS DE CAPITAL	0,00
TOTAL ORZAMENTO	253.336,94	TOTAL ORZAMENTO	253.336,94

5º.- Aprobar o estado consolidado do Orzamento Provincial, co orzamento do Consorcio Provincial Contraincendios e Salvamento da Coruña e co orzamento/plan de actuación da FAEPAC para o exercicio 2022, que presenta o seguinte resumo por capítulo:

INGRESOS		GASTOS	
CAPÍTULOS	CONSOLIDADO	CAPÍTULOS	CONSOLIDADO
I.- IMPOSTOS DIRECTOS	21.197.022,80	I.- GASTOS DE PERSOAL	59.939.571,80
II.- IMPOSTOS INDIRECTOS	15.498.712,31	II.- GASTOS CORRENTES EN BENS E SERVIZOS	34.680.273,58
III.- TAXAS PREZOS PÚBLICOS E OUTROS INGRESOS	14.106.924,03	III.- GASTOS FINANCEIROS	771.000,00
IV.- TRANSFERENCIAS CORRENTES	144.419.750,77	IV.- TRANSFERENCIAS CORRENTES	61.925.806,59
V.- INGRESOS PATRIMONIAIS	13.600,00	V.- FONDO DE CONTINXENCIA E OUTROS IMPREVISTOS	3.840.397,96
TOTAL OPERACIÓNS CORRENTES	195.236.009,91	TOTAL OPERACIÓNS CORRENTES	161.157.049,93
VI.- ALLEAMENTO INVESTIMENTOS REAIS	38.418,00	VI.- INVESTIMENTOS REAIS	17.472.606,98
VII.- TRANSFERENCIAS DE CAPITAL	0,00	VII.- TRANSFERENCIAS DE CAPITAL	14.964.000,00
VIII.- ACTIVOS FINANCEIROS	350.000,00	VIII.- ACTIVOS FINANCEIROS	2.030.771,00
IX.- PASIVOS FINANCEIROS	0,00	IX.- PASIVOS FINANCEIROS	0,00
TOTAL OPERACIÓNS DE CAPITAL	388.418,00	TOTAL OPERACIÓNS DE CAPITAL	34.467.377,98
TOTAL ORZAMENTO	195.624.427,91	TOTAL ORZAMENTO	195.624.427,91



6º.- Dispor a exposición ao público polo prazo de quince (15) días hábiles, mediante a inserción do oportuno anuncio no Boletín Oficial da Provincia para os efectos de reclamacións, conforme ao disposto no art. 169.1 do Real decreto legislativo 2/2004, do 5 de marzo, polo que se aproba o texto refundido da Lei reguladora das facendas locais, e art. 20.1 do R.D. 500/1990, do 20 de abril, e se, ao remate do período de exposición non se tiveran presentado reclamacións, considerárase definitivamente aprobado, publicándose, resumido por capítulos no Boletín Oficial da Provincia, segundo establece o art. 169.3 do citado Texto refundido, consonte co art. 20.3 do R.D. 500/1990, do 20 de abril.

7º.- Unha vez aprobado o orzamento remitiranse copias do expediente á Administración Xeral do Estado e da Comunidade Autónoma, de acordo co disposto na normativa vixente.

8º.- O expediente orzamentario permanecerá a disposición pública no Servizo de Orzamentos e Asistencia Económica a Concellos, na páxina de internet da Deputación e no Portal de Transparencia, en cumprimento do disposto na normativa estatal e autonómica de transparencia, bo goberno e acceso a información pública.

O Presidente,

Valentín González Formoso

(asinado dixitalmente)